

ادبیات عمومیہ مجموعہ سی

سنہ : ۱ ہفتہ لقی سیاسی ، ادبی و علمی غزتہ در . نومرو : ۳

ادبیات ترک « وجہ غریمت » ی

ادبیات ترک غریب بر استحاله دورہ سندنہ بولندیغی انکار ایدیلہ من . آثار حاضرہ دن بری بلا تعدیل بر اوروپا لسانہ نقل ایدلسہ ، مؤاخذین غرب ، بوکا : — اولماش بر تقلید ! دیہ جکری کبی ، عینی اثر مملکت مزده حالا کندیلرینہ بر آرز چوقچہ تصادف اولونان وادی قدیم منتسبینہ کوسترلسہ ، بونلردہ ، در حال : — پک آلا فرانغہ ! محاکمہ سنی درمیاندن چکنمہ یہ جکار درہ . اوت ! ادبیات لاحقہ من ، ہم پک آلا فرانغہ ، ہم دہ زیادہ سیلہ آلا تورقہ در . حامدک « فینتن » ی بو وادینک اک انموذجی بر تمثالیدر . بر آلمان منقدی : « — فینتن ، نہ ادبیات غربیہ ی آ کدیریور ؛ نہ دہ ادبیات شرقیہ ی . » دیمشدی . بر ذات فحیم بومطالعہ یہ قارشی : « — حامد ، نہ بر انکلین ویا فرانسز ادیبیدر ؛ نہ دہ نفی وفضولی زمانلرینک بر شاعریدر . حامد ، عصر مزک عثمانلیسنی تمثیل ایدن بر ادیبدر . » دیمشلردر . کوریلور کہ بو کونکی ترک ادبیاتی ، منشاندن هنوز آریلہ مامش ؛ کذلک ، حالا ادبیات غربیہ ایلہ اتحاد ایدہ مامشدر .

غرب ادبیاتی اقتباس ایدنلر زیادہ سیلہ تصلفہ میالدرلر : [رہنان] طرزی کبی متین و فصیح ، سلیس و بلیغ بر اسلوب هنوز ادبامنر جہ اتحاد ایدلمدی . کذلک [تہن] واری ، صاغلام ، جابجا لطائف ایلہ آراستہ ، بر آرز فنی بر وادی دہ تقلید اولونہ مدی . بونک کبی ، لورد [مق اولہ] یولندہ ، مصاحبہ قلقلی ، طاتلی بر لسان ایلہ افکار تاریخیہ و فلسفیہ ی افادہ ایدہ جک بر ادیبزده چیقمدی . ارباب قلممز [جہد اقل] قانونی موجب جہ سہل القلید اولان وادیلرہ اہمیت ویردیلر . قیریق جملہلر ، ملون فکرلر ، نامانوس افادہلر ، سقط فکرلر ، سقیم حسلر ، براز « امپرہ سیونیزم » ی آ کدیرر تصویرلر ، اولدیغی

هفته لقی حوادث عسکریه

بوهفته ظرفنده مختلف دارالحركه كاتلرده نسبة سکون حکم فرمادر .
 قافقاس جبهه سنده بر معتاد كشف قولى مصادمه لری وقوعه كلكده و دشمندن
 متوالیا اسیرلر آلمقده در . دشمنلریمز قهرمان عسکرلریمزه قارشى هیچ بر
 موفقیت احراز ایدمه دکلرینی کوره رك غیر ساح اهالی به تجاوز ایتكده درلر .
 از جمله ایران و دجله جبهه لرنده دشمنك بوقیل حرکاته توسل ایلدیكى آره
 صره کور و لمكده در .

(بئال سبع) اوزرنده دشمن طیاره لرینك آتدقلى بومبالردن هیچ
 بر تأثیر حاصل اولماشدر . دشمنك معصوم اهالی به قارشى اجرا ایلدیكى اهانتك
 جزاسى اخیراً ایمپراطور یچه ماریا دره دنو طنك باتماسیله ظاهرا ولشدر . مذکور
 دردنو طنك باتدیغی صوك آلنان تلغرافنامه لرله وبالخاصه روس ارکان حربیه سنك
 تبلیغاتیه ده ثابت اولمقده در . خصمك متوالیا دوچار اولدیغی موفقیتسنزلكلره
 تصادفك فلا کتلى ده انضمام ایتسی روسلرك قوه مغنویه لری اوزرنده مضر
 بر تأثیر اجرا ایده جکنه هیچ شبهه یوقدر . بوتأثیراتك نتایجی كرك قافقاسیه
 جبهه سنده و كرك غالیحیا حدودارنده دشمن هجوملرینك دائماً عقیم قالماسیله ده
 تظاهرا یلمكده در . روسلرك غالیحیا حدودنده ، رومنلرك ترانسیلوانیا کچیدلرنده
 موفقیت امیدلری کاملاً زائل اولشدر . متفقلریمزك مدافعه قطعه لرینه قارشى
 روسلرك هر تعرضی کلیتلی تلفات ایله کری به پوسکور تولمكده در .

رومانیا حدودنده متفق قطعه لریمز (قره نری قله) جوارنده ، (قامپوله نغ) ك
 شمال غربیسنده خیلی اراضی ضبط ایتمشدر . ترانسیلوانیا خطی یارلدقن
 صوكرارومانیاك فیض و برکتی آرتدیران نهرلر طریقنك عسکرلك نقطه نظرندن
 مملکتك سبب فلا کتی اولاجغنه هیچ شبهه یوقدر . بونهرلر متفق اردولریمزك
 جنوبه طوغرو حرکاتی تسهیل ایده جك ، رومانیاى مدافعه ایدن اردولرك
 ایکی به آیرماسنی انتاج ایلیه جکدر . اوزمان بومتفرق قوتلری شمالدن تعرض
 ایده جك فائق قوتلرله آیری آیری تپه له مك قابل اولابیله جکدر .

دوبریجه ده سکون حکم فرمادر . صوم وادیسنده متماًدیاً طوپیجی آتشریله

احضار اولونان هجوملر اجرا ایدلمکده در . فقط بوجوملرک کافه سی آلمانلرک مؤثر آتشریلہ پوسکور تولمکده ، دشمنک تلفات کلیہ ویرمسنہ بادی اولمقده در . هجوملرک اسکی شدتی غائب ایلدیکی نظر دقتہ آله حق اولورسه ، فرانسلرک آلمانلری مملکتلرندن چیقارمالری امکان خارجنده اولدیغی آکلاشیلیر . بوحقیقتی فرانسلرکده ادراک ایتیش اولمالری ایجاب ایدر . چونکہ تعرضده موفقیت ایلک ضریبه نك شدتندہ وایلک مصادمه نك تأثیرندہ در . بوتأثیر ایلہ استحصال موفقیت قابل اولامادیغی تقدیرده مدافعنک قوہ معنویہ سی آرتار ، ومهاجم طرفکده دوجار اولدیغی تلفات ایلہ موفقیت امیدلری زائل اولور . فرانسلرک آلردن بری تعرض ایتدکلری حالده حرکات تعرضیه نك عمومیلکدن چیقوب موضعی برشکلہ کیرمسی ومحاربه نك انجق سورکلی محاربه شکلی آلماسی بوحقیقتی اثبات ایدر . خصوصیلہ صوک حربده سپر محاربه لرینک بویوک براهیت کسب ایتمسی ده فرانسلرک تعرضلرندن نتایج قطعیه حصولی عقیم براقاجق اسبابدن بریدر .

*
* *

قافقاس جبهہ سندن صوک آلمان حوادلر شایان ممنونیتدر . بوجبه ده دشمن حرکاتنک عقیم قالماسی قطعاً تمزک تعلیم و تربیہ ده ، سوق وادارده تمیز ایلدکلرینه دلیلدر . فی الحقیقه حرب عمومیده اردو مزک سوق وادارہ سنده کوستریلن دقت ومهارت خارق العاده در . قیشک حلولیلہ برابر قطعاً تمزک هر درلو مهاجماته بسالتکارانه مقابله ایتلری بالجمله اسباب موفقیتہ مالک بولونقلرینی اثبات ایدر . اردو مزک کری حرکاتی وافرادک سوق وادارہ سنده ، امر اعاشہ سنده کی انتظام آریجه شایان ممنونیتدر . امر اعاشہ ده کوستریلن بواهتمام ، سوقیات عسکریہ بی صوک درجه تسهیل ایلدیکی کبی ایلری خطرہ تام الصحه افرادک کوندرلمسی وبوصورتله اردو قوتنک دائماً زنده بولونماسی انتاج ایلکده در . مظفریتک اس الاساسی تشکیل ایدن بولازمه مهمه یه اعتنا بویوردقلرنندن طولانی اردو ارکان عالیہ سنہ نه قدر تشکر ایدلسه آزدور .